



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SISWATI LULWIMI LWASEKHAYA (HL)

LIPHEPHA LEKUCALA (P1)

INKHWEKHWETI/INHLABA 2025

TICONDZISO TEKUMAKA

EMAMAKI: 7

Leticondziso tekumaka tinemakhasi la-8.

SIGABA A: SIVISISO**Ticondziso tekumaka sivisiso:**

- Bahlolwa abangajeziswa uma banemaphutsa esipelingi nelulwimi emibutweni lemidze ngobe injongongco kuvisisa.
- Uma umhlolwa asebentisa emagama aletinye tilwimi letingasiso Siswati akanganakwa lawo magama, kodvwa uma imphendvulo ivakala ihambisana nembuto akangajeziswa. Uma kusetjentiswe ligama lalolunye lulwimi etheksthini kantsi liyafuneka emphendvulweni, loko kwemukelekile.
- Emibutweni levulekile bahlolwa abanganikwa emamaki uma baphendvule ngetimphendvulo letitsi: YEBO/CHA nobe NGIYAVUMA/ANGIVUMI. Kufanele banike sizatfu nobe bachaze ngalokugcwele nobe besekele.
- Emibutweni lefuna LICINISO/LIPHUTSA nobe LIPHUZU/UMBONO emamaki akangehlukaniwa emkhatsini, lokusho kutsi alikho limaki lelinikwa LICINISO/LIPHUTSA nobe LIPHUZU/UMBONO, onkhe emamaki anikwa sizatfu/kuchaza ngalokugcwele/kwesekela/kucaphuna.
- Uma umbuto udzinga timphendvulo teligama linye kuphela bese bahlolwa baphendvula ngemisho legcwele kufanele kwemukelwe uma ligama lelifunekako lidwetjelwe nobe ligcanyisiwe.
- Uma umbuto udzinga emaphuzu lamabili/lamatsatfu kodvwa bahlolwa banike langetulu kwaloko, akumakwe lamabili/lamatsatfu ekucala.
- Inkhulumosigodzi (lulwimisigodzi) yemukelekile.
- Imibuto lapho kunikwe timphendvulo letinyenti kutsi bahlolwa bakhetsa, akwemukelwe luhlavu loluhambisana nemphendvulo nobe uma abhale imphendvulo ngalokugcwele.

UMBUTO 1**1.1 TIMPHENDVULO TETHEKSTHI A**

- 1.1.1 B/Kutibukela phasi. (1)
- 1.1.2 'Kusukela emandvulo kunebantfu labenta imisebenti lemhle nalencomekako.' (1)
- 1.1.3 Lomsebenti ungentiwa ngulabadvuna nalabasikati/Labafundzile nalabangakafundzi/Ungentiwa nobe ngusiphi sive/**Nguwo wonkhe umuntfu.** (Kunye kwaloku.) (1)
- 1.1.4 Kuletinsuku bugebengu sebandzile futsi bahamba sikhatsi lesidze bangabuyi emakhaya/**Kugadza bantfwana busuku nemini.** (1)
- 1.1.5 Kubangelwa kutsi benta imisebenti lefanako neyebahlengikati njengekubagezisa/Kubanika imitsi/Kubagcokisa/**Indlela lebanakekela ngayo.** (Kubili kwaloku.) (2)
- 1.1.6 Bayalekelela ngekupheka uma kunemicimbi/Labasebenti benta siciniseko sekutsi konkhe lebekubolekiwe kubuyiselwa emuva/**Babuyisela likhaya esimeni emuva kwemcimbi.** (Kubili kwaloku.) (2)
- 1.1.7 Kubaluleke ngekutsi batawenta umsebenti ngendlela letawutfokotisa bacashi babo/Akunawuba nekucabana emkhatsini wabo bobabili/Umsebenti utawuhamba kahle bese umcashi uyajabula. (Kubili kwaloku.) (Naleminye imibono lenembako yemukelekile.) (2)
- 1.1.8 Kungenteka labanye abakhokhelwa kahle/Kungenteka labanye babasebentisa ngalokwecile/Labanye basebenti bagcina sebenta matsandza ngobe sebetayele. (Kubili kwaloku.) (Naleminye imibono lenembako yemukelekile.) (2)
- 1.1.9 Ibasita ekukhokheleni tindleko lebatibange ngesikhatsi basasebenta/Kutsenga tidzingo telikhaya ngaleso sikhatsi basafuna lomunye umsebenti. (Kunye kwaloku.) (Naleminye imibono lenembako yemukelekile.) (2)
- 1.1.10 Kuwusita ngekutsi kwakheka ematfuba emisebenti/Kunciphisa bugebengu/Bantfwana bayakhona kulala badlile/Kwandza buhlobo/**Lizinga lekukhulelwa liyehla/Kwehlisa tingoti letingehlela bantfwana.** (Kubili kwaloku.) (Naleminye imibono lenembako yemukelekile.) (2)
- 1.1.11 Bayahlomula ngobe basebenti basita bantfwana bebacashi ngekubabhalisa umsebenti wesikolo/Labanye basebenti bafundziselwa bantfwana babo etikolweni/ Labanye basebenti bayakhona kutibuyisela esikolweni bachubeke nemfundvo/**Bahlomula ngekufundzisana emakhono latsite.** (Kunye kwaloku.) (Naleminye imibono lenembako yemukelekile.) (2)
- 1.1.12. Sifundvo sekuphatsana kahle kwemcashi nemsiti wasekhaya/Sifundvo sekutsi kuhle kuphatsana kahle uma nibantfu. (Naleminye imibono lenembako yemukelekile.) (2)

1.2 TIMPHENDVULO TETHEKSTHI B

- 1.2.1 Tivamise kugcokwa ngulabo labasebenta emakhishini/emakhaya. (1)
- 1.2.2 Lelibhakede linemasondvo, lokwenta kutsi kube malula kulishova/Linentfo yekuhluta imophu/Litfwala emanti lawasebentisa kukolobha. (Kunye kwaloku.) (1)
- 1.2.3 Bayahleka/Babambene ngetandla/Babukana ngelutsandvo. (Naleminye imibono lenembako yemukelekile.) (Kubili kwaloku.) (2)
- 1.2.4 Kwehlisa umtfwalo kubanikati bemakhaya lababuya emisebentini yabo bakhatsela/Kunika banikati bemakhaya sikhatsi sekuphumula uma babuya emisebentini/**Ibasita ekondleni imindeni yabo/Yenta emakhaya ahlale ahlobile.** (Kubili kwaloku.) (Naleminye imibono lenembako yemukelekile.) (2)
- 1.2.5 EFREYIMINI ye-3 kunemuntfu lonakekela sigulane bese eFREYIMINI ye-4 uya-ayina/ **EFREYIMINI ye-3 bayahleka, eFREYIMINI ye-4 ubindzile akahleki/ EFREYIMINI ye-3 kunakekelwa umuntfu, eFREYIMINI ye-4 kunakekelwa timphahla/ EFREYIMINI ye-3 konkhe kwentelwa esibhedlela, eFREYIMINI ye-4 kwentelwa ekhaya.** (Kunye kwaloku.) (Naleminye imibono lenembako yemukelekile.) (2)
- 1.2.6 Kutheksthi A endzimeni ye-4 kukhulunywa ngebantfu labadzala labagulako labatfolo kunakekelwa kahle bese kuTheksthi B eFREYIMINI ye-3 kunemuntfu lomdzala lonakekelwako lokhombisa kujabula. (2)

SAMBA SESIGABA A: 30

SIGABA B: SIFINYETO**UMBUTO 2**

Kumakwa kwesifinyeto kulawulwa ngemaphuzu lacondzene ngco netheksthi.

Sifinyeto kufanele simakwe ngalendlela lelandzelako:

- **Kwabiwa kwemamaki:**
 - Emamaki lasikhombisa (7) abelwe emaphuzu lasikhombisa (7), (1 limaki labelwa liphuzu ngalinye).
 - Emamaki lamatsatfu (3) abelwe lulwimi.
 - Samba semamaki: 10
- **Kwabiwa kwemamaki labelwe lulwimi nangabe umhlolwa asebentise emagama akhe:**
 - 1–3 emaphuzu **langiwo** nika 1 limaki.
 - 4–5 emaphuzu **langiwo** nika 2 emamaki.
 - 6–7 emaphuzu **langiwo** nika 3 emamaki.
- **Kwabiwa kwemamaki elulwimi nangabe umhlolwa acaphune njengobe kunjalo etheksthini:**
 - 6–7 ticashunwa umhlolwa akanganikwa emamaki elulwimi.
 - 4–5 ticashunwa umhlolwa akanikwe 1 limaki lelulwimi.
 - 2–3 ticashunwa umhlolwa akanikwe 2 emamaki elulwimi.
 - 0–1 ticashunwa umhlolwa akanikwe 3 emamaki elulwimi.

CAPHELA:

- **Sibalo semagama:**
 - Labamakako kumele bacinisekise linani lemagama lelisetjentiswe esifinyetweni.
 - Kungabokhishwa emamaki nangabe umhlolwa angakalikhombisi linani lemagama lasetjentsiwe nobe abhale linani lelingasilo lemagama lasetjentsiwe.
 - Nangabe linani lemagama lingetulu kwalelo lelimisiwe, fundza ufike ekugcineni kwemusho wekugcina ngetulu kwalawo lemisiwe, uyekele incenye lesele yesifinyeto.

UMONGO WESIFINYETO

SIFINYETO SAKHO ASIVETE EMAPHUZU LABALULEKILE LEKUMELE AVELE ESIFINYETWENI LESITINDZIMA: (Umhlolwa akavete emaphuzu lasikhombisa etintfo lekumele umuntfu atibuke ngembikwekucala umuti lomusha.)

Umntfu akente siciniseko sekutsi lendzawo layocala kuyo umuti lomusha inemanti lamanyenti. Lomuti awube sendzaweni lapho simo selitulu singeke siphatamise takhiwo khona. Umuti lomusha awakhiwe edvute nesikolo. Lenzawo lebukwako ayibe netitolo letisedvute lekutawutsengwa kuto tidzingo tasekhaya.

Uma ucala umuti lomusha cinisekisa kutsi umhlaba ukulungele kulinywa kwetitjalo. Yakha umuti wakho endzaweni lenemandla agezi latakusita kupheka, kukhanyisa, kubukela mabonakudze kanye nalokunye. Kubalulekile kutsi lendzawo loyikhetsako ingabi khashane nemtfolamphilo.

[64 emagama]

	Sicashunwa		Emagama emhlolwa
1	'... kubalulekile kutsi ubuke indzawo lenemanti lamanyenti ...'	1	Umntfu akente siciniseko sekutsi lendzawo layocala kuyo umuti lomusha inemanti lamanyenti.
2	'... akakhetse indzawo letawukhona kumelana netimo telitulu letingeke tidzilite takhiwo.'	2	Lomuti awube sendzaweni lapho simo selitulu singeke siphatamise takhiwo khona.
3	'Kuhle kutsi uma wakha umuti lomusha ube dvutane nesikolo.'	3	Umuti lomusha awakhiwe edvute nesikolo
4	'Lenye indzawo lekungacalwa kuyo umuti nguleyo ledvutane netitolo.'	4	Lenzawo lebukwako ayibe netitolo letisedvute lekutawutsengwa kuto tidzingo tasekhaya.
5	'Uma ucala umuti lomusha yenta siciniseko sekutsi umhlaba ukulungele kutsi kutawulinywa tibhidvo netihlahla ...'	5	Uma ucala umuti lomusha cinisekisa kutsi umhlaba ukulungele kulinywa kwetitjalo.
6	'Kuhle kufuna indzawo lenawo emandla agezi ...'	6	Yakha umuti wakho endzaweni lenemandla agezi latakusita kupheka, kukhanyisa, kubukela mabonakudze kanye nalokunye.
7	'... uma ufuna kucala umuti lomusha ukhetse indzawo ledvute nemtfolamphilo.'	7	Kubalulekile kutsi lendzawo loyikhetsako ingabi khashane nemtfolamphilo.

SAMBA SESIGABA B: 10

SIGABA C: TAKHI NETIMISO TEKUSETJENTISWA KWELULWIMI**Ticondziso tekumaka SIGABA C.**

- *Sipelingi/Lupelomagama:*
 - Timphendvulo letifuna ligama linye kufanele temukelwe nanobe sipelingi/lupelomagama sinemaphutsa, ngaphandle kwekutsi liphutsa lesipelingi lintjintja inshokutsi yalelo gama.
 - Timphendvulo letifuna imisho legcwele kufanele tingemukelwa nangabe liphutsa lesipelingi lisesakhiweni selulwimi lesihlolwako.
 - Nangabe kuhlolwa sifinyeto seligama, imphendvulo kufanele ifakwe tiphumuti/timphawu letifanele.
- Takhiwo temisho kufanele tilandzele luhlelo lolwemukelekile tibuye tibhalwe ngalokugcwele njengobe kubekwe eticondzisweni.
- Imibuto lapho kunikwe timphendvulo letinyenti kutsi bahlolwa bakhetse, akwemukelwe KOKUBILI, luhlavu loluhambisana nemphendvulo NA/NOBE nemphendvulo lebhalwe ngalokugcwele.

UMBUTO 3

- 3.1 Lenkhulumo ingaba nemtselela wekutsi bantfu basukumele etulu bafune kuyowashelwa timphahla/**Inemtselela wekwenta bantfu babe ngemavila ngobe angeke basafuna kuti washela/lheha bantfu.** (Kunye kwaloku.) (1)
- 3.2 C/angasheshi anake. (1)
- 3.3 Kusetjentiswa ligama, 'umtfwalo', emshweni lichaze inshokutsi leyehlukile kunalena lekulesikhangisi.
Sib.
Make ucashe iveni kutsi imhambisele umtfwalo wakhe ekhaya. (2)
- 3.4 Lenkhulumo iyimfundzisolite ngekutsi kute timphahla letingahlala tingadzabuki. (2)
- 3.5 Lesikhangisi asivuni bulili ngobe kusitakala labadvuna nalabasikati/**Wonkhe umuntfu uvumelekile.** (Kunye kwaloku.) (2)
- 3.6 Lenkhulumo itsintsa imiva ngobe akusibo bonkhe bafati labavilaphako labamikisa timphahla kuyowashelwa kepha labanye bayasebenta abanaso sikhatsi/Itsintsa imiva ngobe babitwa ngabovilavoco/**Akhona nemadvodza labovilavoco/lhudvulela phasi sitfunti salabasikati/ Iphoca labasikati/ Iyabagceka/Kubukeka ngatsi bafati balamalanga abawenti umsebenti wasekhaya.** (Kunye kwaloku.) (2)

[10]

UMBUTO 4

- 4.1 Kuneliwashi lababuka kulo sikhatsi. (1)
- 4.2 Usondzete liphepha emehlweni akhe/Ufake tibuko letinemalensi lamakhulu/Untjintje indlela yekuhlala wasondzeta buso ephepheni/Ukhomba ngemunwe lapho afundza khona. (Kunye kwaloku.) (1)
- 4.3 Kukhokhwa inkhulumo letsatsa luhlangatsi leseFREYIMINI ye-1. Loluhla lufuna labo labaphase Siswati neTibalo ngemalengiso kuphela. (1)
- 4.4 Ukhombisa kutetsemba ngekubuka ngco emehlweni lona lakhuluma naye/Akunankomishi neliphepha embikwakhe/**Kwetfuka nekwesaba/Uyacabanga**. (Kunye kwaloku.) (1)
- 4.5 Ingababhunga ngekutsi abatfoli umfundzate kuphela kepha batfoli nethebulethi. (2)
- 4.6 Lenkhulumo iliciniso ngobe uma ufuna kutfoli lomfundzate kumele ube ngumuntfu lotimiselako. (Naleminye imibono lenembako yemukelekile.) (2)
- 4.7 Batsatsa sabito selucobo lesicindzetelwe eFREYIMINI ye-2 emshweni njengesikhombabito. Sib. (2)
- Belusi bafuna tona tinkhomo. [10]

UMBUTO 5

- 5.1 B/Indlela lesalibito. (1)
- 5.2 Bahlolwa baphindza babhale lomusho bese bafaka mcondvofana esikhundleni seligama lelicindzetelwe. Lamalunga alelicembu afika/achamuka/**angena/eta** ngetinkhani nelikhansela lendzawo. (1)
- 5.3 Kubhalwa sinciphiso ngeligama, 'licembu', kulomusho lolandzelako: Lelinye licenjana lafundziswa kubhaka tinkhwa. (1)
- 5.4 Kusetjentiswa sihlanganisi, 'ngobe/kantsi/futsi', kuhlanganisa imisho lemibili. Kulabo labebafundziswa ngetekulima baba nenhlanhla ngobe/kantsi/futsi kwaba nalelinye lilunga lempakatsi lebelinelipulasi lelabasikela indzawo. (1)
- 5.5 Kubhalwa lomusho ukhombise kuphika. I-Asibambaneni ma-Afrika ayitange/**ayimange** ivule tandla nakulamanye emalunga emmango/Ayivulanga/ayikativuli. (Kunye kwaloku.) (2)
- 5.6 Basebentisa libitomfakela, 'lithulusi', emshweni labatakhele wona. Sib. (2)
- Uma ufuna kucaba umuti kumele ube nayo yonkhe inhlobo yelithulusi lekwakha. (2)
- 5.7 Kubhalwa libintana leligama lelicindzetelwe, 'imifaniswa'. Timphahla letifanako letigcokwa bantfu etindzaweni letitsite; emisebentini, etikolweni, njll. (2)
- [10]

SAMBA SESIGABA C: 30
SAMBA SAKO KONKHE: 70